



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

INDLOVULENKHULU/MASHI 2013

EMAMAKI: 80

SIKHATSI: 2 ema-awa

Leliphepha linemakhasi la-14.

TICONDZISO KULABAHOLWAKO

1. Leliphepha lehlukaniswe tigaba LETINTSATFU:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Luhlelo Nekusetjentiswa Kwelulwimi	(40)
2. Fundza tonkhe ticondziso ngekucophelela.
3. Phendvula yonkhe imibuto ngeSiswati.
4. Cala LESO NALESO sigaba ekhasini LELISHA.
5. Dwwebela ekugcineni kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengoba tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisia sipelingi/lupelomagama nendlela lewakha ngayo imisho.
10. Siphakamiso sekulawulwa kwesikhatsi:

SIGABA A:	Lokungenani emaminithi la-45
SIGABA B:	Lokungenani emaminithi la-20
SIGABA C:	Lokungenani emaminithi la-55

SIGABA A: SIVISISO**UMBUTO 1**

Fundza ITHEKSTHI A bese uphendvula imibuto lebutiwe.

1.1 **ITHEKSTHI A****BOLOGADZA BETIMOTO LETITFWALA IMALI**

Bongcondvongcondvo ekuntjontjeni imali sebaticedzile timoto letitfwala imali ngekutilahla elutfulini bahambe nesamba lesikhulu semali. Ngalesinye sikhatsi emadloti akubo ayabalalahla badutjulwe balimale bayiswe esibhedlela lapho batawugadvwa ngemaphoyisa. Emva kwekuphila bakhonjwe endlini lemnyama. Labanye njalo badutjulwa bafe. Ngalesinye sikhatsi uyatibuta kutsi kwakhala nyonini ngobe labantfu labantjontjako basebancane kufanele ngabe bayafundza babuye batisebentele yabo imali hhayi kudla umjuluko walabanye bantfu.

Kulamalanga akusasilula kutenta lidzelakufa lekuntjontja ngobe bakasidlodlo sebanemachinga lamasha ekuvikela timoto letitfwele imali nemmango. Uyadlala, udlala ngebantfu labatsi kubona kanye kubona kibili. Imigulukudvu nayo ayitibekile phasi nayo iveta ayo emasu ekuntjontja; njengekutfwebula ngamakhalekhikhini umuntu lokhokha imali ebhange bese basitfumelela imigulukudvu lengaphandle nobe basebentisane netisebenti tasebhange. Tisebenti tasebhange letingakatsembeki titfumela umlayeto lophutfumako kulemigulukudvu, indlela logcoke ngayo nekutsi uyifake kuphi lemali. Lemigulukudvu lengaphandle itawukulandzela ize itfole indzawo lekahle yekukutsatsela imali utawutsi ungakalindzeli tsatsiyani, sitse, hambiyani yonkhe imali kuyitsetse kwemigulukudvu.

Letinye tinkhampani tabologadza setiwasite kakhulu emaphoyisa ngekubamba lemigulukudvu. Njengenjwayelo balandzela baphatsi benkhampani yakaSherrif labebakhiphe imali le-R1 000 000 ebhange kantsi ababutanga elangeni. Ngalesikhatsi balandzela labaphatsi nje ababoni kutsi sebavinjetelwe bologadzi baka-Serious nebaka-Violent Crime Unit labaye bantjintja timoto tabo bahamba ngetimoto letingakabhalwa imibhalo yabo. Lemiguludvu ayizange ikubone loko yatitsela kubologadza kantsi vele bebalindzele bona. Bakasidlodlo bayivimba lemoto kwadutjulwana kwabonakala kutsi inhlanti ishelwe ngemanti, kwashona munye labanye babaleka batsi tinyawo tami ngitfwale balimele. Kwatfolakala tibhamu letine letingekho emtsetfweni.

Kuphume secwayiso lesivila emabhange nasemaphoyiseni sekutsi uma umuntu ayewukhokha imali abocela kuphekeletelwa ngulomunye kute lemigulukudvu ingalitfoli litfuba lekubatsatsela imali, umuntu angaceli lusito kunoma ngumuphi umuntu.


CAPHELA:

- Phendvula yonkhe imibuto ngemagama akho, ngaphandle kwekuba ucelwe kutsi ucaphune.
- Emibutweni ledzinga imphendvulo yinye, bhala inombolo yembuto ilandzelwe yimphendvulo.

- 1.1.1 Khokha ligama libe linye etheksthini lelisho lokufana naleli 'tigebengu'. (1)
- 1.1.2 Bhala ligama lenkhampani yabologadza leyasita bakasidlodlo ekubanjweni kwemigulukudvu lebeyifuna kutsatsela inkhampani yakaSherrifi imali. (1)
- 1.1.3 Ngubobani bakasidlodlo kuletheksthi? (1)
- 1.1.4 Nguyiphi lendlu lemnyama lekukhulunywa ngayo lapha kuletheksthi? (1)
- 1.1.5 Nasibuka sento saletigebengu, lamagama ladvwetjelwe kulomusho longentasi akhombisan? Utawutsi ungakalindzeli tsatsiyani, sitse, hambiyani yonkhe imali kuyitsetse kwebantfu. (2)
- 1.1.6 Kwentekani ngalesikhatsi bakasidlodlo badubulana netigebengu? Nika emaphuzu LAMABILI. (2)
- 1.1.7 Imigulugudvu ingamsebentisa njani makhalekhikhini kuntjontjela umuntfu imali ebhange? Nika emaphuzu LAMABILI. (2)
- 1.1.8 Ngabe **kuliciniso nobe kuliphutsa** kutsi bantfu labantjontjako ngebantfu labasebasha? Sekela imphendvulo yakho ngeliphuzu LINYE. (2)
- 1.1.9 Tecwayiso tini letivela emaphoyiseni kute labakhokha imali ebhange bavikeleke? Nika emaphuzu LAMABILI. (2)
- 1.1.10 Ngekubona kwakho ngabe kunamphumela muni kungetsembeki emsebentini njengabo labo labasebenta emabhange? Nika emaphuzu LAMABILI. (2)
- 1.1.11 Kubangelwa yini kutsi labantfu babitwe ngabongcondvongcondvo? Chaza. (2)
- 1.1.12 Chaza lenkhulomo 'inhlanti ishelwe ngemanti' ubhekise kuletheksthi lengenhla. (2)

1.2 Bukisia ITHEKSTHI B bese uphendvula imibuto lebutiwe.

ITHEKSTHI B



[IsiZulu Soqobo Ibanga 7]

CAPHELA: Kulesibonwa kukhulunywa ngekuphumelela kwebantfwana.

- 1.2.1 Ngumcimbi wani lona lowenteka kulesibonwa lesingenhla? (1)
- 1.2.2 Ubaluleke ngani lomcimbi etikolweni?
Khetsa YINYE imphendvulo:
- A Ukhutsata bafundzi kutsi bafundze ngemandla.
 - B Batali bahleka bantfwana labangeva.
 - C Bothishela bacosha intfombatane etafuleni.
 - D Bomake nabobabe bahlabelela tingoma. (1)
- 1.2.3 Yini lefakazela kutsi kusenebantfwana labanye lekumele baklonyeliswe? Sekela ngemaphuzu LAMABILI. (2)
- 1.2.4 Yini lokubangela kutsi intfombatane inikwe indzebe kanye nesitifiketi kulesibonwa? (1)
- 1.2.5 Batali labakuletheksthi babukeka bajabulile, ingabe bajatjuliswe yini lengaka? Nika emaphuzu LAMABILI. (2)
- 1.2.6 Sive sizuzani ngekufundza kwebantfwana bacedze sikolo? Nika emaphuzu LAMATSATFU. (3)

SAMBA SIGABA A: 30

SIGABA B: SIFINYETO**UMBUTO 2**

Fundza (ITHEKSTHI C) lengentasi ubhala emaphuzu lasikhombisa lacwayisa bashayeli betimoto mayelana nalabangakwenta nabahlangabetana netingoti temgwaco.

TICONDZISO

1. Sifinyeto sakho asibe ngemaphuzu LASIKHOMBISA labhaleke ngemisho legcwele lengengci emagameni la-70.
2. Nika emaphuzu akho tinombolo leticala ku-1 kuya ku-7.
3. Umusho MUNYE awumumatse liphuzu linye.
4. Sebentisa emagama AKHO.
5. Khombisa linani lemagenta lowasebentisile kubakaki ekugcineni kwemphevdvulo yakho.

ITHEKSTHI C**TINGOTI TEMIGWACO**

Minyaka yonkhe kufa bantfu labanyenti emhlabeni jikelele etingotini temigwaco. Labafela emigwaceni babalelwa esigidzini nehhafu. Loku kusho kutsi kufa bantfu labangemakhulu lamatsatfu ngelilanga. Hhafu walabantfu abahambi ngetimoto. Kunemitsetfo nemigomo lekumele ihlonishwe nangabe umuntfu avelelwwe yingoti yemgwaco.

Kumele umuntfu lohlangabetana nebantfu labavelelwwe yingoti yemoto ashayele belusito Iwekucala ngekushesha abanikete imininingwane lephelele ngengoti. Kumele asho kutsi kwentekeni, bangaki labatsintsekile engotini? Balimele kanganani? Kukhona labafile yini? Kukhona imoto leshako yini? Naleminye nje imininingwane. Lalelisia kahle konkhe lokushiwo nguloyo lokhulumu naye. Loku kufaka ekhatsi ticondziso netinkhombandlela lekumele utilandzele kute usitakale ngekushesha. Phela labantfu belusito Iwekucala baceceshekile ekukhulumisaneni nemuntfu lovelelwwe yingoti. Ungabi nematata nome usheshe wetfuke, beka umoya wakho phasi.

Nangabe unaso sikhwama setinsita telusito Iwekucala sikhipe emotini, ufake nemagilavu. Cikelela kutsi ingoti ayikho endzaweni lengabonakali kahle kulabanye basebentisi bemgwaco nekutsi atikho tinkhomba tekutsi kungahle kucubuke umlilo. Sondzela kulabo labalimele kuphela nangabe ubona kuphephile kutsi wente njalo. Nangabe ukhona cikelela kutsi tonkhe timoto letilapho ticisha tinjini tato. Phela inhlase yinye lesuka enjinini yayinye imoto ingasusa lomkhulu umlilo.

Tfoba labo labalimele ubanike litsembe lekutsi lusito luyeta ngekushesha. Hlola kutsi ukhona yini longaphefumuli, hlola nekutsi akukho yini lokubonakalako lokuvimbela kutsi aphefumule. Nangabe uceceshiwe phefumulela emlonyeni wakhe. Ungamnyakatisi umuntfu lolimele ngobe kungenteka kube kunematsambo laphukile emtimbeni wakhe nobe abe nekulimalela ngekhatsi. Loku kungengeta kulimala kwakhe. Nangabe lolimele opha kakulu, sebentisa libhandishi leliesikhwameni sakho selusito Iwekucala nobe lithawula kuvimba lokopha.

Ungalingi utsintse ingati yalomuntfu ungakativikeli ngobe loku kungaba yingoti lenkhulu. Nangabe kufika labanye, bacele bona balawule timoto letichamukako wentele kutsi kungadaleki lenye futsi ingoti. Kungaba kuhle kutsi kube nebantfu labeme kuwo omabili emacala balawule timoto kutsi tehlise litubane. Tonkhe timoto letilapho atikhanyise emahazadi ato kwentela kutsi labanye basheshe babone lengoti. Akungabikho labemako lapho, akube nebantfu labambalwa kuphela.

SAMBA SIGABA B: 10

SIGABA C: LUHLELO NEKUSETJENTISWA KWELULWIMI**UMBUTO 3: KUHLATIYA SIKHANGISI**

- CAPHELA:**
- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
 - Emibutweni lenetimphendvulo letinyenti lekumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

Fundza lesikhangisi (ITHEKSTHI D) lesisekhasini lelilandzelako bese uphendvula imibuto lebutiwe.

3.1 Lesikhangisi sibhekiswe kubobani?

Khetsa YINYE imphendvulo:

- A Sibhekiswe kulabo labatsandza kuvakasha.
 B Sibhekiswe kulabo labazonda indlulamitsi.
 C Sibhekiswe kulabo labatsandza sikolo.
 D Sibhekiswe kulabo labatsandza kuhlala emakhaya.

(1)

3.2 Ngabe ligama lelitsi 'Titike' libaheha njani bantfu?

(1)

3.3 Nika tizatfu letenta kutsi lombhalo wesicubulo ubhaleke ngetinhlavu letinkhulu letimnyama.

(2)

3.4 Nika tizatfu tibe TIMBILI letingenta kutsi bantfu bavakashele siciwi i-Kruger.

(2)

3.5 Lenkhulumo lets '... tibhejane netinyatsi losekwagucuka kwaba nebuntfu' iyinkhohliso yini? Sekela imphendvulo yakho ngeliphuze LINYE.

(2)

3.6 Bhala tindlela tibe TIMBILI longachumana ngato nebaphatsi besiciwi.

(2)

ITHEKSTHI D**TITIKE NGEBUHLE BEMVELO****VAKASHELA SICIWI I-KRUGER****TIBONELE EMAKHOSI ESIGANGA LASIHLANU**

- Libhubesi
- Indlovu
- Sibhejane
- Ingwe
- Inyatsi

Kumnandzi e-Kruger!

- ✓ Kulula kubhuka ngelucingo nange-inthanethi.
- ✓ Kunetindzawo tekubhukusha.
- ✓ Tivakashi tihanjiswa ngetimoto kuyobona tilwane emini nasebusuku mahhala.
- ✓ Nangabe nilicembu imali yekungena nekulala iyehliswa.
- ✓ Ngetimphelasantfo ubhadalela lusuku lunye bese lwasibili awulikhokheli.
- ✓ Bantswana labangephasi kweminyaka lelishumi budzala badla baphindze balale mahhala.
- ✓ Bakhona bodokotela labaciniseka ngemphilo yetivakashi.
- ✓ Tivakashi tiphephile ngaphasi kweliso labologadzi besiciwi.
- ✓ Wota utidlalele netindlovu, emabhubesi, tibhejane netinyatsi losekwagucuka kwaba nebuntfu.

Kutsintfwa

Lucingo: 013 756 2341, www.knp.co.za, e-mail: info@knpc.co.za,

Likheli: Private Bag X0032 Skukuza

[Equinox – Southern Sun]

[10]

UMBUTO 4: KUHLATIYA IKHATHUNI

- CAPHELA:**
- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
 - Emibutweni lenetimpundvulo letinyenti lekumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

Fundza lekhathuni (ITHEKSTHI E) bese uphendvula imibuto lebutiwe.

ITHEKSTHI E



[www.Google/cartoons.com]

- 4.1 Efreyimini ye-4 kunemusho lomumetse sentakutsi. Wukhokhe uwubhale phasi. (1)
- 4.2 Shano kutsi lomusho ukuyiphi indlela yesento.
Vala! umnyango make Mkhomazi sikhulumele phasi.
Khetsa imphendvulo YINYE kuleti:
- A Indlela lesalibito
B Indlela yesimo
C Indlela lephocako
D Indlela yemandla (1)
- 4.3 Kulomusho lolandzelako kuneligama lelimele sibaluli. Lidvwebele. Wena ungumuntfu lohloniphako. (1)
- 4.4 Phindza ubhale lomusho lolandzelako kodvwa uwucale ngekutsi:
Itolo ...
Ngiya kummeli wami. (1)
- 4.5 Caphuna inkhulomo lekhombisa kutsi make Mkhomazi ungumuntfu longahloniphi efreyimini ye-3. (1)
- 4.6 Sebentisa sijobelelo lesitawenta libito lelidvwetjelwe likhombe buncane.
Lelikhehla liyeyana. (1)
- 4.7 Efreyimini ye-1 kunesento lesimumetse imphambosi yekwentisa. Sikhokhe usisebentise emshweni lotakhele wona. (2)
- 4.8 Phindza lomusho lolandzelako ulungise emagama ladvwetjelwe. Umtsetfo welitiko letemfundvo awumvumeli thishela afike ledi. (2)
[10]

UMBUTO 5: IPHROZI

- CAPHELA:**
- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
 - Emibutweni lenetimphendvulo letinyenti lekumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

5.1 Fundza letheksthi lelandzelako (ITHEKSTHI F) bese uphendvula imibuto lebutiwe.

ITHEKSTHI F

Kujwayelekile kutsi uma uphenya liphephandzaba ehasini letemidlalo ukhangwe sihloko lesitsi 'BANYANA BANYANA' Ephephandzabeni baveta sitfombe semceceshi nesitfombe sebadlali labagcoke emajezi lamhlophe.

Licembu linebadlali labatintfombi. Umdlalo webhola udzinga umdlali lonesibindzi. Kadzeni batali bebangavumi kutsi bantfwana labangemantfombatane badlale imidlalo yalabadvuna, bebakholelwa kutsi umuntfu lomsikati ubutsakatsaka. Kuyamangalisa kutsi labasikati nabo sebadlala ibhola lekungumdlalo lodlalwa ngulabadvuna. Kadzeni kwatiwa kutsi ngemajaha kuphela lakwati kudlala ibhola. Badlali belicembu i-BANYANA BANYANA badze tindlulamitsi. Insipho i-Lifebuoy uma umdlali ageza ngayo imenta abe nemandla ashaye emagoli. **Umceceshi we-BANYANA BANYANA ubhadlile enhloko** futsi ungumuntfu lokhetsa kutfunga umlomo ngaso sonkhe sikhatsi. Kugcwala kwebalandzeli enkhundleni nekukhala kwemavuvuzela kwenta kutsi i-BANYANA BANYANA ikhutsale.

5.1.1 Yini lephumelelisa i-BANYANA BANYANA emdlalweni wayo?
Khetsa YINYE imphendvulo:

- A Kusebentisa insipho i-Lifebuoy.
- B Kusebentisa umutsi wenhlanhla.
- C Kungabi khona kwebalandzeli.
- D Kugcwala kwebasekeli belicembu.

(1)

5.1.2 Nika ligama lelingumcondvofana waleligama lelidvwetjelwe kulomusho longentasi.

Licembu linebadlali **labatintfombi**.

(1)

5.1.3 Shano iuhlobo lwesinongo senkhulumo lesimumetfwe ngulomusho.
Badlali belicembu i-BANYANA BANYANA badze tindlulamitsi.

(1)

5.1.4 Bhala MUNYE umusho locuketse inkohliso (kuyenga) kuletheksthi lengenhla.


(2)

5.1.5 Khokha ligama linye lelingumfakela ulisebentise emshweni lotakhele wona.

(2)

- 5.1.6 Bhala sisho lesikuletheksthi lesihambelana nalenchazelo.
Kubindza ungakhulumi. (2)
- 5.1.7 Lenkhulomo ledvwetjelwe kuletheksthi lengenhla ishoni? (2)
- 5.1.8 Ngabe lenkhulomo lengentasi itsatsa luolangotsi yini? Nika tizatfu LETIMBILI.
- Kuyamangalisa kutsi labasikati nabo sebadlala ibhola lekungumdlalo lodlalwa ngulabadvuna. (3)
- 5.2 Fundza letheksthi lelandzelako (ITHEKSTHI G) bese uphendvula imibuto lebutiwe.

ITHEKSTHI G



- 5.2.1 Khokha sisho lesisenkhulumeni ye-1. (1)
- 5.2.2 Enkhulumeni ye-2 kunemusho lonesinongo senkhulomo lesisifaniso. Wubhale phasi. (1)
- 5.2.3 Bhala mcondvophika weligama lelidvwetjelwe.
Musa kukhala. (1)

- 5.2.4 Bhala umusho losenkhulumeni ye-1 lomumetse luvelomagama. (1)
- 5.2.5 Nika linye ligama lelingumfutiselo **wemndeni.** (1)
- 5.2.6 Chaza lenkhulomo lelandzelako ubhekise enkhulumeni ye-3.
'Kimi uyohlale ungumntfwana.'

(1)
[20]

SAMBA SIGABA C: 40
SAMBA SAKO KONKHE: 80